

Broj: 05/1-30-039156-7/25
Tuzla, 09.12.2025. godine

Na osnovu člana 50. stav (4) Zakona o državnoj službi u Tuzlanskom kantonu („Službene novine Tuzlanskog kantona“, broj 11/24-prečišćeni tekst) u vezi sa tačkom II Odluke o davanju saglasnosti, broj 02/1-04-23384/25 od 04.11.2025. godine i člana 8. Pravilnika o unutrašnjoj organizaciji Ministarstva trgovine, turizma i saobraćaja Tuzlanskog kantona, br. 05/1-02-020645/22 od 20.06.2022. godine, 05/1-02-000534/25 od 13.01.2025. godine i 05/1-02-018115/25 od 04.06.2025. godine, Ministar trgovine, turizma i saobraćaja objavljuje

PONOVLJENI OGLAS

za popunu upražnjenog radnog mjesta državnog službenika u Ministarstvu trgovine, turizma i saobraćaja Tuzlanskog kantona, na određeno vrijeme do 12 mjeseci po hitnom postupku

- „Viši stručni saradnik za normativno-pravne poslove“jedan izvršilac na određeno vrijeme do 12 mjeseci.

Opis poslova upražnjenog radnog mjesta:

- izrada i donošenje pojedinačnih akata koji se odnose na odobrenja, saglasnosti, registraciju i druge akte iz oblasti trgovine, turizma i saobraćaja,
- pružanje pravne pomoći građanima davanjem stručnih pravnih objašnjenja,
- stručna obrada sistemskih i drugih pitanja koja služe za izradu zakona, drugih propisa i općih akata iz oblasti trgovine, turizma i saobraćaja,
- pripremanje stručnih pravnih mišljenja i objašnjenja za primjenu zakona, drugih propisa i općih akata iz oblasti trgovine, turizma, ugostiteljstva i saobraćaja, povodom upita građana, pravnih osoba i drugih subjekata ili po službenoj dužnosti,
- stručna obrada sistemskih rješenja od značaja za oblast trgovine, turizma i saobraćaja,
- izrada materijala kojima se vrši informisanje nadležnih organa o stanju i problemima u oblasti trgovine, turizma i saobraćaja, te predlaganje mjera radi utvrđivanja politike i mjera za uređivanje navedenih oblasti,
- priprema i realizacija postupaka javnih nabavki, priprema tenderske dokumentacije, oglašavanje i prikupljanje ponuda u postupcima nabavki, pružanje neposredne stručne pomoći komisijama za provođenje postupaka javnih nabavki,
- rješavanje jednostavnijih upravnih stvari u prvostepenom upravnom postupku,
- učešće u izradi pojedinačnih akata koji se odnose na prava, dužnosti i odgovornosti službenika i namještenika iz radnog odnosa ili u vezi s radnim odnosom,
- učešće u izradi dokumentacije u vezi sa prevencijom i borbom protiv korupcije u skladu sa pozitivnim propisima i utvrđenim politikama,
- obavljanje i drugih poslova po nalogu šefa Odsjeka.

1. Uslovi za obavljanje poslova upražnjenog radnog mjesta

Opšti uslovi utvrđeni članom 38. Zakona o državnoj službi u Tuzlanskom kantonu:

- a) da je državljanin Bosne i Hercegovine;
- b) da je stariji od 18 godina;
- c) da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja, što se utvrđuje uredbom iz člana 10. stav (2) Zakona o državnoj službi u Tuzlanskom kantonu;
- d) da je zdravstveno sposobno za obavljanje poslova predviđenih za to radno mjesto;
- e) da u posljednje tri godine, od dana objavljivanja upražnjenog radnog mjesta, lice nije otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;
- f) da nije obuhvaćeno odredbom člana IX 1. Ustava Bosne i Hercegovine;
- g) da se protiv njega ne vodi krivični postupak;

2. Posebni uslovi za vršenje poslova:

- VSS – pravni fakultet, sa stečenom diplomom visokog obrazovanja ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje najmanje sa 240 ECTS bodova,
- najmanje 2 (dvije) godine radnog staža u struci ostvarenog nakon završene visoke stručne spreme,
- položen ispit općeg znanja za rad u organima državne službe,
- poznavanje engleskog jezika i
- poznavanje rada na računaru (MS Windows i Excel).

3. Uz prijavu na oglas koja sadrži adresu prebivališta, e-mail adresu, kontakt telefon i kratku biografiju i koja mora biti potpisana, **kandidat prilaže sljedeće isprave kojima se dokazuje ispunjavanje opštih i posebnih uslova:**

- uvjerenje o državljanstvu (ne starije od 6 mjeseci) ili kopija CIPS-ove lične karte,
- izvod iz matične knjige rođenih (ne stariji od 6 mjeseci),
- diploma o završenom visokom obrazovanju,
- uvjerenje o radnom stažu,
- uvjerenje o poznavanju rada na računaru (MS Windows i Excel),
- uvjerenje o položenom ispitu općeg znanja,
- uvjerenje o poznavanju engleskog jezika,
- izjava kandidata da u posljednje tri godine, od dana objavljivanja upražnjenog radnog mjesta, lice nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini,
- izjava kandidata da nije obuhvaćen odredbom člana IX 1. Ustava BiH.

Svi dokumenti moraju biti u originalu ili ovjerene kopije.

Komisija će razmotriti sve prijave podnesene na oglas i utvrditi listu kandidata koji ispunjavaju uslove oglasa i listu kandidata koji ne ispunjavaju uslove oglasa. Lista se utvrđuje prema svim činjenicama koje su tražene oglasom.

Sa kandidatima čije prijave budu ispunjavale uslove oglasa bit će obavljen intervju u cilju utvrđivanja poznavanja propisa iz opisa poslova navedenog radnog mjesta, sa posebnim osvrtom na Zakon o javnim nabavkama Bosne i Hercegovine („Službeni glasnik Bosne i Hercegovine”, br. 39/14, 59/22 i 50/24), Zakona o državnoj službi u Tuzlanskom kantonu („Službene novine Tuzlanskog kantona“, broj 11/24-prečišćeni tekst) i Zakona o upravnom postupku („Službene novine Federacije Bosne i Hercegovine”, br. 2/98, 48/99 i 61/22).

Izabrani kandidat je dužan dostaviti ljekarsko uvjerenje o opštoj zdravstvenoj sposobnosti za obavljanje poslova radnog mjesta (ne starije od tri mjeseca) i potvrdu da se protiv njega ne vodi krivični postupak (original ili ovjerena kopija).

Oglas će se objaviti na web stranici Vlade Tuzlanskog kantona i Ministarstva trgovine, turizma i saobraćaja Tuzlanskog kantona.

Sve tražene dokumente treba dostaviti do 15.12.2025. godine (ponedjeljak), neposredno, u zatvorenoj koverti, na adresu: Ministarstvo trgovine, turizma i saobraćaja Tuzlanskog kantona, ul. Fra Grge Martića br. 8, 75000 Tuzla, sa naznakom „OGLAS za popunu upražnjenog radnog mjesta državnog službenika u Ministarstvu trgovine, turizma i saobraćaja Tuzlanskog kantona, na određeno vrijeme do 12 mjeseci po hitnom postupku“.

Nepotpune i neblagovremene prijave na oglas neće biti razmatrane.

